


洪範政鑒

三



共範政臨金

三之上  
三之下

洪範政鑒卷第三之上

火行上

傳曰棄法律

鄭康成曰東逐功臣

鄭康成曰

律者或曰啄典主尚食七星主衣裳張為食厨

古人之象日月星辰山龍華蟲作績宗彛藻

火粉米黼黻絺繡以五采章施于五色作服

汝言予欲聞六律五聲八音在治忽以出納

七星北有酒旗南有殺太子鄭康成曰五行

以妾為妻鄭康成曰將廢正而太子之象春秋

象則火不炎上鄭康成曰君行此四者為逆

熱熾熾為害是為火不炎上其佗變異皆屬沴

又曰視之不明是謂不哲鄭康成曰哲瞭也

能事厥咎舒曰鄭康成曰君舒怠臣下不瞭則舒緩劉昭

賢不肖並不能憂民急厥罰常燠鄭康成曰夏曰

氣為之舒緩草不搖鄭康成曰於人為疾時則有

草妖鄭康成曰見者莫眾於草之物時則有羸蟲之孽

鄭康成曰蠱螟無鱗甲毛羽故謂之羸蟲時

則有羊禍鄭康成曰羊畜之時則有目痲時



則有赤青赤祥惟水沴火說曰火南方揚光

輝為明者也其於王者南面嚮明而治書云

知人則哲能官人顏師古曰虞書皋陶謨之

以官之所為智故堯舜舉羣賢而命之遠四佞而放

諸野孔子曰浸潤之譖膚受之愬不行焉可

謂明矣顏師古曰浸潤言積漸也膚賢佞分

別官人有序帥由舊章恭重功勳殊別嫡庶

如此則火得其性若迺信道不篤或耀虛偽

讒夫昌邪勝正則火失其性自上而降及濫

災妄起焚宗廟燒宮館雖興師眾不能救也

是為火不炎上視之不明是謂不哲哲知也

詩云爾德不明以無陪無卿不明爾德以無

背無仄顏師古曰大雅蕩之詩也言不別善

皆不言上不明暗昧蔽惑則不能知善惡親

近習長同類顏師古曰近狎者則長益之親無功者

受賞有罪者不殺百官廢亂失在舒緩故其

咎舒盛夏日長暑以養物政弛緩故其罰常

燠燠則冬溫春夏不和傷病民人故極疾誅

不行則霜不殺草由臣下則殺不以時故有  
草妖凡妖貌則以服言則以詩聽則以聲視  
則以色五色物之大分也在於青祥故聖人  
以為草妖失秉之明者也顏師古曰謂温燠失所執之權  
生蟲故有羸蟲之孽謂螟螣之類當死不死  
未當生而生或多於故而為災也劉歆以為  
屬思心不睿於易剛而包柔為離離為火為  
目羊上角下蹠剛而包柔羊大目而不精明  
視氣毀故有羊禍一曰暑歲羊多疫死及為

怪亦是也及人則多病目故有目病火色赤  
故有赤眚赤祥凡視傷者病火氣火氣傷則

水沴之其極疾者順之其福曰壽李奇曰於六極之中

為疾者逆火氣致疾病也又曰有羽蟲之孽

雞禍說以為於天文南方喙為鳥星故為羽  
蟲禍亦從羽故為雞雞於易自在巽說非是  
火不炎上

京房曰君不思道厥杖火燒宮上不儉下不  
節孽火數起燔宮室又曰君高其臺天火為災

魯桓公十四年八月壬申御廩災左丘明曰  
天火曰災人火曰火公羊高曰御廩者粢盛  
委之所藏也先是龍門之戰死傷者衆桓無  
惻痛於民之心君臣俱惰內怠政事外侮四  
鄰非能保守宗廟者也劉向曰御廩夫人八  
妾所舂米之藏以奉宗廟者也時夫人有邪  
行挾逆心故天戒之劉歆曰御廩公所親耕藉  
田以奉粢盛者也棄法度亡禮之應

莊公二十年齊大災劉向曰齊桓以妾為妻

適庶數更故致大災桓公不寤及沒適庶分  
爭九月不得葬董仲舒曰魯夫人失行於齊  
國君民之父母夫婦生化之本本傷末夭故  
天災所子也

李奇曰以疾疫殺其民人

釐公二十年五月西宮災穀梁赤曰愍公宮也  
劉向曰釐立妾母為夫人以入宗廟天災若  
曰去其卑而親者將害宗廟之正禮也

宣公十六年夏成周宣榭火類師古曰今之洛陽左丘  
明曰宣榭講武之坐屋也穀梁赤曰宣榭王

之榭以樂器之所藏目之也。劉向曰：十五年王札子殺召伯、毛伯，天子不能誅，天戒若曰：不能行政令，何以禮樂為？而藏之，故災。

成公三年二月，新宮災。杜預曰：宣公新廟，故謂新宮。公

羊高曰：謂之新宮，不忍言也。其言三日哭者，

禮也。此象宣公篡立，當誅絕，不宜列昭穆，成

公幼少，臣威大重，結怨彊齊，將不得承宗廟

之應。

襄公九年春，宋災。劉向曰：宋公聽讒，逐其大夫

華弱之應。時宋以樂喜為司城為政。杜預曰：樂

使伯氏司里。杜預曰：伯氏，宋大夫。司里，里宰。火所未至，徹小

屋塗大屋，陳畚揭具，綆缶。杜預曰：畚，簣籠。揭，

器。華音切。備水器，量輕重，蓄水潦，積土塗廵，丈

城繕守備，表火道，令司宮巷伯徹宮，祝宗用

馬于四墉，祀盤庚于西門之外。杜預曰：用馬

禳火。盤庚，商王之遠祖。城，積陰之氣，故祀之。晉侯問於士弱曰：吾

聞之，宋災，於是乎知有天道。士弱曰：古之火

正，或食於心，或食於味，以出內火，故味為鶉



火心為大火

杜預曰謂火正之官配食於火

則令民放火不得見則令民內火陶唐氏之火

正閼伯居商丘杜預曰商丘主辰辰大火祀

大火而火紀時焉相土因之故商主大火杜預

曰相土契孫商之祖也始商人閱其禍敗之

釁必始於火是以知其有天道公曰可必乎

曰在道國亂無象不可知也杜預曰國無道

不可必知賢君見變能脩道以除凶

三十年五月宋災董仲舒曰伯姬如宋幽居

守節三十餘年又憂傷國家之患積陰生陽

故火生災劉向曰先是宋公聽讒殺太子痤

皆火不炎上之應

昭公六年六月鄭災是春鄭人鑄刑書杜預

於刑書叔向謂子產曰先王議事以制不為刑

辟懼民之有爭心也杜預曰臨事制刑不豫

端猶不可禁禦今吾子相鄭國作封洫立謗

政杜預曰賦制參辟鑄刑書將以靖民不亦難

乎終子之世鄭其敗乎及是士文伯曰火見

鄭其火乎

杜預曰火心星也周五月昏見

火未出而作火以

鑄刑器藏爭辟焉火而象之不火何為班固曰火星出於周五月而鄭以三月作火故火星出與五行之火爭明為災又棄法律之應也九年四月陳火董仲舒曰陳夏舒殺君楚莊王託欲為陳討賊陳國闢門待之至因滅陳陳臣子尤毒恨甚極陰生陽故致火災

十八年五月壬午宋衛陳鄭災董仲舒曰象王室將亂天下莫救故災四國言無四方也又四國之君皆荒淫於樂不恤國政與周宣同行陽失節則火災出故同日災是火也四國使行人告於諸侯陳不救火許不弔災君子以是知陳許之先亡

定公二年五月壬辰雉門及兩觀災

杜預曰雉門公

宮南門兩觀闕也

董仲舒曰此皆奢僭過度也先是

季氏逐昭公昭公死於外定公即位不能誅季氏又用其邪說近於女樂而退孔子天戒若曰去高顯而奢僭者一日門闕號令所由

出也。今舍大聖而縱有辜，無以出號令矣。

哀公三年五月辛卯，桓僖宮災。劉向曰：此二

公不當為禮者也。時孔子在陳，聞魯災，曰：其

桓僖之宮乎。杜預曰：言桓僖親盡而以為桓

季氏所出，僖使季氏世卿者也。

四年六月辛丑，亳社災。杜預曰：亳社，商社。諸

劉向曰：亡國之社，揜之，揜其上而柴其下，天

戒若曰：國將危，不用戒矣。

漢高后元年五月，趙王宮叢臺災。劉向曰：時

呂氏女為趙王后，嫉妬，將為讒口以害趙王。

王不寤，卒見幽殺。

惠帝四年十月，未央宮凌室、織室災。劉向曰：

元年，呂后殺趙王如意，殘戮其母，是歲太后

帝立姊魯元公主女為皇后，凌室所以供養

飲食，織室所以奉宗廟衣服。天戒若曰：皇后

無奉宗廟之德，將絕祭祀，卒幽廢。

文帝七年六月，未央宮東闕罌罌災。顏師古

連闕也劉向曰：東闕朝諸侯之門，罌罌在外

諸侯象也。漢興大封諸侯王，賈誼以為違古制度，必將叛。其後吳楚七國舉兵誅。

景帝中五年八月未央宮東闕災，先是栗太子廢為臨江王，以罪自殺。丞相周亞夫以不合旨免，後二年下獄。

武帝建元六年遼東高廟災，又高園便殿火。董仲舒曰：高廟不當在遼東，高園殿不當在陵旁，禮不當立，故燔災之。此天意也。

昭帝元鳳元年燕城南門災，劉向曰：時燕王使邪臣通於漢，為讒賊謀不軌，南門者通漢道也。天戒若曰：邪臣往來為姦，讒於漢，絕亡之道。燕王不寤，卒伏辜。

四年五月孝文廟正殿災，先是后祖父上官桀謀不軌，霍光誅之。及昭帝晏駕，無嗣，光執朝政。九年不歸政，將為國害，故災見。

元帝初元三年四月茂陵白鶴館災，劉向曰：是馳逐走馬之館，不當在山陵。昭穆之地，天戒若曰：貴近逸遊，不正之臣將害忠良。後石

顯許章譖死蕭望之周堪逐功臣之應未幾  
章坐走馬上林下獄免官

永光四年六月孝宣社稷園東闕災劉向曰  
先是上復周堪張猛而石顯又譖毀外遷終  
欲害之園陵小於朝廷闕在司馬中內臣石  
顯之象也孝宣親而貴門闕法令所從出也  
天戒若曰去法令內臣親而貴者必為國害  
後堪猛被誣成帝即位顯卒伏辜

成帝建始元年正月皇曾祖悼考廟災初宣

帝為昭帝後而立父廟於禮不正是時王鳳  
擅朝將害國家故天見其象其後五將世權

遂以亡道

顏師古曰謂王五大  
司馬鳳音商根莽也

鴻嘉三年八月孝景廟北闕災是冬許后廢  
永始元年正月太官凌室戾后園南闕並災  
時趙飛燕幸許后既廢上將立之故天見象  
於凌室戾后衛太子妾遭巫蠱之禍宣帝追  
加尊號於禮不正又戾后起於微賤天戒若  
曰微賤亡德之人不可以奉宗廟將絕祭祀

有凶惡之禍。至其後，趙后姊妹嬌妬，賊害皇子，卒受誅。

四年四月，長樂宮臨華殿，未央宮東司馬門皆災。六月，霸陵園門闕災。長樂宮成帝母王后所居也。未央宮帝所居也。霸陵太宗盛德園也。是時王后三弟相續秉政。顏師古曰：王代為大司馬。舉宗居位，將害國家。故天象仍見其後，莽有覆國之禍。

哀帝建平三年正月，桂宮正殿火。帝祖母傅太后所居。時傅欲與成帝母尊號齊尊。大臣孔光師丹執政，以為不可。太后皆免官，稱尊號。是年哀帝晏駕，傅氏誅。

平帝元始五年七月，高帝原廟殿門災。高帝廟在長安城中。後以叔孫通譏復道，故復起原廟於渭北，非正也。時平帝幼，王后臨朝，委任王莽，將篡絕漢。隳宗廟，故天象見。是冬平帝晏駕，明年莽居攝，因篡國。

洪範政鑒卷第三之上

洪範政鑒卷第三之下

火行上

光武建武中。漁陽太守彭寵被召。明日潞縣  
火災起。城中飛出城外。燔千餘家。殺人。說者  
曰。火以明為德。而主禮。時寵與幽州牧朱浮  
有隙。疑浮見譖。遂叛。卒誅。蓋失禮之應。

和帝永元十三年八月。北宮盛饌。門閣火。時  
帝幸鄧貴人。陰后寵衰。上有欲廢之意。會得  
陰后挾偽道事。遂廢桐宮。立鄧為后。此妾為  
妻之應。

安帝永初二年四月。漢陽城中失火。燒殺三  
千五百七十人。先是和殤晏駕。和之子勝有  
疾。不篤。羣臣欲立之。太后更立清河王子。是  
為安帝。司空周章等謀誅鄧氏。廢安帝。更立  
勝。是年事覺。被誅。

元初四年二月。武庫火。時羌叛。大為寇害。發  
天下兵攻禦之。積十餘年。未已。天下厭苦兵役。  
延光元年八月。陽陵園寢殿火。凡災發于先





陵此太子將廢之象若曰不當廢太子以自  
翦如火不當害先陵也明年帝以讒言廢皇  
太子

順帝永建三年七月丁酉茂陵園寢災又恭  
陵東西莫府災李固曰此奢僭所致是陵初  
造廣治尤飾帝欲更造宮室益臺觀故火起  
莫府燒材木

永和元年十月承福殿災時爵號阿母宋娥  
為山陽君梁商父子封爵過差皆非禮之應  
桓帝建和二年五月北宮掖庭中德陽殿火  
先是梁太后兄冀挾姦枉誣誅李固杜喬其  
後梁氏誅滅

延熹四年五月原陵長壽門火先是亳后因  
賤人得幸為后封其母為長安君兄弟受寵  
多封無功以妾為妻之罰也

八年十一月德陽前殿西閣及黃門北寺火

殺人劉昭曰時連月有火災諸官寺或一日  
殺再三發又夜有訛言擊鼓相驚陳蕃劉  
也智茂上疏曰古之火皆君弱臣彊極陰之變  
也前始春而獄刑慘故火不炎上唯善政可

以已之疏  
奏不省

九年三月癸巳京都夜有火光轉行民相驚  
譟時近侍專朝鉤黨事起朝廷無嗣又害陳  
蕃竇武天下無復紀綱

靈帝光和四年閏月北宮東掖庭永巷署災  
陳蕃曰昔楚女悲西宮災此不御宮女怨所致  
中平二年二月南宮雲臺災榱題數百同時  
被然若挂華鐙又樂城門災延及北闕道燒  
嘉德和歡殿案雲臺周家所造圖書術籍珍

玩寶怪所藏時黃巾作慝百姓死傷過當帝  
曾不克己虐侈滋甚政以賄成天戒若曰放  
賢賞淫何以舊典為故焚其臺門祕府未幾  
董卓之亂京都丘墟

魏明帝太和五年五月清商殿災初帝為平  
原王納虞氏為妃及即位不以為后更立典  
虞車工卒毛嘉女為后此以妾為妻之罰  
青龍二年四月崇華殿災延于南閣繕復之  
至三年七月此殿又災帝問高堂隆祈禳之

義隆曰災變之發所以明教誡惟率禮脩德  
可以勝之此人君苟飾宮室百姓空竭故以  
旱火又災火之發皆以臺榭宮室為誡今宜  
罷散作役務節約帝不從遂復崇華殿改曰  
九龍多棄法度疲眾逞欲之應

吳孫亮建興元年十二月武昌端門災改作  
端門又災案殿門號令所出殿者聽政之所  
時諸葛恪執政矜慢放肆孫峻總禁旅又險  
害武昌孫氏尊號所始天戒若曰宜除貴要

之首者後亮被廢

或曰孫權毀徹武昌以增  
太初宮諸葛恪有遷都意更

起門殿事非  
時故見災

太平元年二月建鄴火時孫綝執政矯以亮  
詔殺呂據滕嗣明年又殺朱異棄法律逐功  
臣之罰也

孫休永安六年十月石頭小城火燒西南百  
八十丈時嬖人張布專擅國勢多行無禮斥  
韋昭盛冲又遣內史驚擾州郡致交阯寇叛  
之應

孫皓建衡二年三月大火燒萬餘家死者七  
百人時皓制令詭暴蕩棄法度勞臣名士誅  
斥甚衆後宮萬餘女謁數行之應

晉武帝太康十年四月崇賢殿災十月含章  
鞠室脩成堂前廡景坊東屋暉章殿南閣火  
時楊珖兄弟三公並在大位天變屢見帝又  
納馮紘之間廢張華聽楊駿之讒離衛瓘此  
逐功臣之罰也明年宮車晏駕其後楚王承  
竊害華瓘

惠帝元康五年閏月庚寅武庫火累代異寶  
王莽頭孔子履漢高祖斷白蛇劍及二百萬  
器械一時蕩盡此愍懷見殺之罰天戒若曰  
設險擊柝所以固其國儲積戎器所以戒不  
虞今冢嗣將傾社稷將泯禁兵無所復施帝  
后不悟終喪四海張華曰武庫火氐羌叛  
八年十一月高原陵火時賈后凶恣賈謚擅  
朝惡積罪稔宜見誅絕天戒若曰臣妾之不  
可者雖親貴莫比猶宜忍而誅之帝既眊弱

后遂與謚殺太子

永康元年納皇后羊氏后將入宮衣中忽有火後成都王廢后處金墉城還立復廢者四卒賜死憂逼折辱終古未聞此孽火之應

永興二年七月尚書諸曹火起延崇禮閣及閣道案百揆王化之本王者棄法律之應後清河王覃入嗣不終於位又殺太子之罰

懷帝永嘉四年十一月襄陽火燒死者三千餘人時王如攻略郡縣此下陵上陽失節之應

元帝太興中王敦鎮武昌武昌災火起東西南北數十處俱應數日不絕干寶曰此臣而君行元陽失節敦陵上無君故災

明帝太寧元年正月京都火時王敦威侮朝廷多行無禮內外臣下咸懷怨毒極陰生陽之應

穆帝永和五年六月震災石季龍太武殿及兩廟端門震災月餘滅金石皆盡其後季龍死遂滅

海西公太和中會稽大旱災火燒數千家延  
及山陰倉米數百萬斛此相溫彊盛將廢海  
西極陰生陽之應

孝武寧康元年三月京都風火大起時相溫  
入朝志在陵上人懷憂恐之應

太元十年正月國子學生因風放火焚房百  
餘間時考課不厲賞黜無章有育才之名無  
收賢之實此不哲之罰也

十三年十二月延賢螽斯則百堂及客館驃  
騎府庫皆災時朝多弊政會稽王道子寵幸  
尼及妯母各樹出入宮掖禮見人主天戒若  
曰登延賢堂及客館者多非其人故災之也  
又孝武不立皇后寵幸微賤張夫人夫人驕  
妬皇子不繁乖螽斯則百之道故災其殿  
安帝元興元年八月庚子尚書下舍曹火時  
相靈寶遙錄尚書故天火示不復居之

義熙十一年京都所在火災吳界尤甚時王  
洪爲吳郡晝在聽事見有一赤物自天下狀

如信幡遙集路南人家屋火即大發洪知天  
災故不罪火主此帝室衰微之應

梁武帝天監元年五月盜入南北掖燒神武  
門總章觀時帝即位火燒觀闕不祥之甚既  
而昭明太子薨皇孫不得立又帝暮年惑於  
朱异果有侯景之禍宮室多被焚燒

普通二年五月琬琰殿火延燒後宮三千餘  
間時帝崇尚佛道宗廟麩牲委萬乘之重詣  
同泰寺捨身為奴天戒若曰帝為國主不遵

先王之法惑於佛道橫多糜費將使社稷不  
得血食後果亡國及江陵之敗闔城為賤隸  
東魏孝靜天平二年十一月閭闔門災時齊  
神武作宰聽讒殺樊子鵠逐功臣之罰也  
後齊後主天統三年九龍殿火延燒西廊四  
年昭陽宣光瑤華三殿災時讒言任用正士  
道消誅斛律明月讒夫昌邪勝正之應也  
隋文帝開皇十四年祠太山令使者致石像  
未至數里野火歛起燒像碎如小塊時帝信

讒言猜阻骨肉。滕王瓚失志而死。創業功臣多被夷滅。其後太子勇果被廢戮。

煬帝大業十二年。顯陽門災。舊名廣陽。則帝之姓名國門。崇顯號令所由出。時帝不遵法度。驕奢荒怠。虞世基以阿諛進。宇文述以讒邪顯。忠諫者誅。天戒若曰。信讒害忠。則除廣陽也。

唐則天證聖元年正月。明堂火。京城如晝。此廢太子為廬陵王之罰也。

明皇開元五年。洪潭二州災。火延燒郡舍。郡人先見火精。瞰瞰飛來。旋即火發。時多奢僭。孽火燒室之罰也。

十五年。衡州災。火延燒三四百家。郡人見物大如瓮。赤如燭。至即火發。

憲宗元和七年。鎮州甲仗庫災。時王承宗方拒天軍。而兵仗災。焚。天意嫉惡也。

十一年十二月。未央宮及飛龍廐災。時王承宗李師道謀撓用兵。陰遣盜縱火。師道又於



鄆州起宮殿欲謀僭暴既成悉災俄族滅  
昭宗大順二年七月汴州相國寺佛閣災是  
日微雨震電寺僧見赤物繞三門藤網中火  
作良久飛越前殿入佛閣如是三日不息

洪範政鑒卷第三之下





